



Broj: 03-18-1076/21
Vogošća, 23.07.2021. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 23.07.2021. godine donio je

**ODLUKU
O IZBORU NAJPOVOLJNIJEG PONUĐAČA ZA PRUŽANJE USLUGE IZRADE
GLAVNOG PROJEKTA IZGRADNJE IZLETIŠTA U VOGOŠĆI**

Član 1.

Ponuda ponuđača "Radis" d.o.o. Istočno Sarajevo, ulica Jovana Dučića broj 16. Istočno Sarajevo, odabrana je pružanje usluge izrade Glavnog projekta izgradnje izletišta u Vogošći, kao prvoplasirana na Rang listi, sa ponuđenom ukupnom cijenom nabavke u iznosu od 3.950,00 KM bez uračunatog PDV-a, odnosno 4.621,50 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 24.06.2021. godine donio Odluku o pokretanju Otvorenog postupka nabavke usluge izrade Glavnog projekta izgradnje izletišta u Vogošći, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 28.06.2021. godine pod brojem: 1353-1-2-111-3-83/21.

Sažetak Obavještenja o nabavci objavljen je u "Službenom glasniku BiH" broj: 41/21 od 02.07.2021. godine.

Tendersku dokumentaciju sa Portala javnih nabavki BiH je preuzelo 20 (dvadeset) ponuđača. Krajnji rok za dostavu ponuda bio je 19.07.2021. godine do 12:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 19.07.2021. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 03-18-1076/21 iz juna 2021. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 3 (tri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Radis" d.o.o. Istočno Sarajevo	3.950,00	/	/	4.621,50
2	"Pro-dom" d.o.o. Sarajevo	5.500,00	/	/	6.435,00
3	"Remote" d.o.o. Sarajevo	5.500,00	/	/	/

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

- I. Ponuda ponuđača "Pro-dom" d.o.o. Sarajevo ne ispunjava formalno-pravne uslove tražene Tenderskom dokumentacijom i to:
 - Tačkom 7.4.1. pod a) TD, a u skladu sa članom 50. Zakona zahtjevano je da je ponuđač u posljednje 3 (tri) godine računajući od dana podnošenja ponude, kao pružalac usluga uspješno realizovao minimalno 1 (jedan) ugovor čiji je karakter i kompleksnost isti ili sličan onom koji se odnosi na predmetnu nabavku (idejni ili glavni projekti izletišta) u ukupnom iznosu od 5.000,00 KM bez uračunatog PDV-a ili više pojedinačnih ugovora u ukupnom zbiru od 5.000,00 KM bez uračunatog PDV-a.

Tačkom 7.4.2. pod a) TD je propisano da su ponuđači dužni u ponudi kao dokaze dostaviti spisak izvršenih ugovora u ukupnom iznosu od 5.000,00 KM bez uračunatog PDV-a u posljednje 3 (tri) godine računajući od dana podnošenja ponude-referenc listu, koju sačinjava ponuđač na svom memorandumu sa potvrđama o izvršenim ugovorima od strane krajnjeg korisnika, sve u skladu sa članom 48. stav 2. Zakona.

Ponuđač "Pro-dom" d.o.o. Sarajevo je u svojoj Ponudi (strana 14. Ponude) kao dokaz za traženo dostavio Uvjerenje broj: 05-19-3101-1/20 od 24.11.2020. godine, izdato od Službe za urbanizam i prostorno planiranje Općine Vogošća.

Komisija za javne nabavke smatra da ponuđač "Pro-dom" d.o.o. Sarajevo dostavljanjem Uvjerenja broj: 05-19-3101-1/20 od 24.11.2020. godine nije ispunio jasno definisani uslov iz tačke 7.4.1. pod a) TD a koji se odnosi na dostavljanje realizovanih ugovora-idejnih ili glavnih projekata izletišta, a koji je ugovorni organ postavio u TD.

Komisija za javne nabavke je mišljenja da Glavni projekat autobusnog stajališta u Vogošći ne zadovoljava postavljene uslove idejnog ili glavnog projekta izletišta.

- Tačkom 7.4.1. pod b) TD a u skladu sa članom 50. Zakona zahtjevano su obrazovne i profesionalne kvalifikacije pružaoca usluga ili kvalifikacije njegovog rukovodećeg osoblja i naročito kvalifikaciju lica koja su odgovorna za pružanje konkretnih usluga i to da ponuđač između ostalog ima na raspolaganju i:
 - 1 (jedno) lice VSS VII stepen-dipl ing. arhitekture, odnosno visoko obrazovanje najmanje II ciklusa Bolonjskog sistema studiranja (koje se vrednuje sa najmanje 300 ECTS bodova) arhitektonske struke, sa položenim stručnim ispitom i 5 (pet) godina radnog iskustva.

Tačkom 7.4.2. pod b) TD je traženo da se kao dokazi dostave:

- za 1 (jedno) lice VSS VII stepen-dipl ing. arhitekture, odnosno visoko obrazovanje najmanje II ciklusa Bolonjskog sistema studiranja (koje se vrednuje sa najmanje 300 ECTS bodova) arhitektonske struke potrebno je dostaviti Diplomom o završenoj VSS i Uvjerenje o položenom stručnom ispitu (VII stepen) i dokaz o radnom iskustvu i radnom

angažmanu, odnosno Diplomu i Uvjerenje o položenom stručnom ispitu za visoko obrazovanje najmanje drugog ciklusa Bolonjskog sistema studiranja (koji se vrednuje sa 300 ECTS bodova) arhitektonske struke i dokaz o radnom iskustvu i radnom angažmanu, uz Napomenu III koja propisuje da dokazi o radnom angažmanu mogu biti Lista osiguranih lica iz Poreske uprave-nadležne ispostave, Ugovor o djelu ili Ugovor o poslovno tehničkoj saradnji, shodno tački 7.4.1 b) TD.

Ponuđač "Pro-dom" d.o.o. Sarajevo je u svojoj Ponudi (strana 22-24 Ponude) dostavio Ugovor o radu na određeno vrijeme, zaključen sa Enom Kevrić-magistrom arhitekture-diplomiranim inženjerom arhitekture broj: 05/2015 od 01.07.2015. godine.

Ugovor je zaključen u skladu sa Programom sufinansiranja zapošljavanja i sticanja prvog radnog iskustva 2015, a prema Ugovoru o sufinansiranju osposobljavanja za rad u struci i sticanja prvog radnog iskustva (između Federalnog zavoda za zapošljavanje, Službe za zapošljavanje KS i Poslodavca).

U Članu 12. predmetnog Ugovora stoji da se isti zaključuje na period od 12 mjeseci.

Obzirom da je u Napomeni III u sklopu tačke 7.4.2. pod b) TD jasno propisano da se kao dokazi o radnom angažmanu smatraju Lista osiguranih lica iz Poreske uprave-nadležne ispostave, Ugovor o djelu ili Ugovor o poslovno tehničkoj saradnji, Komisija za javne nabavke konstatuje da je dostavljeni Ugovor istekao, da ponuđač uz Ponudu nije dostavio dokaz da je isti produžen i da je trenutno na snazi, a uz to ponuđač "Pro-dom" d.o.o. Sarajevo nije dostavio traženu Listu osiguranih lica iz Poreske uprave-nadležne ispostave, iz koje bi se nedvosmisleno mogao utvrditi radni angažman Ene Kevrić-magistra arhitekture-diplomiranog inženjera arhitekture.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da Ponude ponuđača:

- "Radis" d.o.o. Istočno Sarajevo, i

- "Remote" d.o.o Sarajevo

ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računaska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Nakon što je utvrđeno da je ukupna cijena ponude ponuđača "Radis" d.o.o. Istočno Sarajevo u iznosu od 3.950,00 KM bez uračunatog PDV-a neprirodno niska, odnosno da je za više od 20% niža od cijene drugorangirane prihvatljive ponude (5.500,00 KM) ponuđača "Remote" d.o.o. Sarajevo, Komisija za javne nabavke postupajući u skladu sa članom 66. Zakona o javnim nabavkama BiH ("Službeni glasnik BiH", broj 39/14) i u skladu sa odredbama člana 17. stav 7. Uputstva za pripremu modela tenderske dokumentacije i ponuda ("Službeni glasnik BiH", broj 90/14 i 20/15) je aktom broj: 03-18-1076/21 od 19.07.2021. godine zatražila pojašnjenje neprirodno niske cijene ponude ponuđača "Radis" d.o.o. Istočno Sarajevo.

Ponuđač "Radis" d.o.o. Istočno Sarajevo je svojim aktom broj: 830-07/21 od 20.07.2021. godine dostavio obrazloženje neprirodno niske cijene koje je Komisija za javne nabavke nakon opsežnog razmatranja jednoglasno prihvatila i uvažila, jer je utvrđeno da je ponuđač dostavio uredno i detaljno obrazloženje razloga ponuđene cijene.

Nakon svega iznesenog, Komisija za javne nabavke je sačinila Rang listu u Otvorenom postupku nabavke usluge izrade Glavnog projekta izgradnje izletišta u Vogošći kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"Radis" d.o.o. Istočno Sarajevo	3.950,00	4.621,50
2	"Remote" d.o.o. Sarajevo	5.500,00	/

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Radis" d.o.o. Istočno Sarajevo, za pružanje usluge izrade Glavnog projekta izgradnje izletišta u Vogošći, kao prvoplasiranom na Rang listi, sa ponuđenom ukupnom cijenom nabavke u iznosu od 3.950,00 KM bez uračunatog PDV-a, odnosno 4.621,50 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo

Dostavljeno:

1. "Radis" d.o.o. Istočno Sarajevo
2. "Pro-dom" d.o.o. Sarajevo
3. "Remote" d.o.o. Sarajevo
4. Nadležnoj Službi
5. U dosije
6. a/a

057/343-136
info@prodom.ba
info@rmt.ba

